



**Նախագահ
Հենրի Բ. Այրիկյան**
Առաջին Նախագահության
Առաջին Խորհրդակալ

Հորդորել նրանց աղոթել

Երբ ես փոքր երեխա էի, իմ ծնողները իրենց օրինակով ինձ սովորեցրել էին աղոթել: Ես սկսեցի աղոթել՝ իմ մտքում ունենալով հեռավոր գտնվող Երկնային Հոր պատկերը: Մեծանալու ընթացքում աղոթքի հետ կապված իմ փորձառությունը փոխվեց: Իմ պատկերացման մեջ Երկնային Հայրը դարձավ մեկը, ով մոտ է ինձ, ով ողողված է պայծառ լույսով և ով կատարելապես ճանաչում է ինձ:

Այդ փոփոխությունը տեղի ունեցավ այն ժամանակ, երբ ես հաստատուն վկայություն ձեռք բերեցի այն մասին, որ 1820թ. Մանչեսթերում, Նյու Յորք, Ջոզեֆ Մմիթի փորձառության զեկույցը ճշմարիտ է:

«Ես տեսա արևի պայծառությունը գերազանցող լույսի մի սյուն, որն աստիճանաբար իջնում էր ցած, մինչև որ ընկավ ինձ վրա:

... Երբ լույսը հանգչեց ինձ վրա, ես տեսա երկու Անձնավորություն, ինձանից վեր՝ օդի մեջ կանգնած, որոնց պայծառությունն ու փառքն ամեն նկարագրությունից վեր էր: Նրանցից մեկը խոսեց ինձ հետ, դիմելով ինձ անունով, և ասաց՝ մատնացույց անելով մյուսին. *Սա է Իմ Միտերի Որդին: Լսիր Նրան.*» (Ջոզեֆ Մմիթ—Պատմություն 1.16-17):

Երկնային Հայրը պուրակում էր այդ գեղեցիկ զարնանային օրը: Նա կանչեց Ջոզեֆին անունով:

Եվ Նա ներկայացրեց աշխարհի հարություն առած Փրկչին որպես Իր «Միտերի Որդի»: Երբ և որտեղ էլ դուք աղոթեք, այդ փառահեղ փորձառության իրականության ձեր վկայությունը կարող է ձեզ օրհնել:

Հայրը, որին մենք աղոթում ենք, փառահեղ Աստվածն է, ով արարել է աշխարհներ Իր Միտերի Որդու միջոցով: Նա լսում է մեր աղոթքները, ինչպես լսեց Ջոզեֆի աղոթքը՝ այնպես պարզ, կարծես դրանք ասված լինեն Նրա ներկայությամբ: Նա բավականաչափ սիրում է մեզ, դրա համար էլ Նա տվեց Իր Որդուն որպես մեր Փրկիչ: Այդ պարզևի շնորհիվ Նա հնարավոր դարձրեց մեզ համար ձեռք բերել անմահություն և հավերժական կյանք: Եվ Նա Իր Որդու անունով աղոթելու միջոցով մեզ հնարավորություն է տալիս շփվել Իր հետ այս կյանքում այնքան հաճախ, որքան որ մենք կրնտրենք:

Հիսուս Քրիստոսի Վերջին Օրերի Սրբերի Եկեղեցում քահանայություն կրողները սուրբ պարտականություն ունեն «այցելել յուրաքանչյուր անդամի տուն և *հորդորել նրանց, որ աղոթեն Քարձրաձայն և գաղտնի*» (ՎևՈՒ 20.47, շեշտադրումն ավելացված է):

Շատ ձևեր կան, որոնցով կարող ենք հորդորել ինչ-որ մեկին աղոթել: Օրինակ, մենք կարող ենք վկայել, որ Աստված պատվիրել է մեզ միշտ աղոթել, կամ մենք կարող ենք նկարագրել օրհնությունների

օրինակներ սուրբ գրություններից և մեր սեփական փորձառությունից, որոնք գալիս են երախտագիտության, աղերսանքի կամ խնդրանքի աղոթքներից: Օրինակ, ես կարող եմ վկայել, որ ես գիտեմ, որ Երկնային Հայրը պատասխանում է աղոթքներին: Ես ստացել եմ ուղղություն և մխիթարություն՝ բառերի միջոցով, որոնք եկել են իմ մտքում, և ես գիտեմ Հոգով, որ այդ բառերը Աստծուց էին:

Ջոզեֆ Սմիթն ունեցել է այսպիսի փորձառություններ և, ուստի, դուք էլ կարող եք: Նա ստացավ այս պատասխանը անկեղծ աղոթքով:

«Որդիս, խաղաղություն քո հոգում. քո ձայնորդություններն ու քո չարչարանքները կտեսնեմ միայն մի փոքր պահ:

Եվ հետո, եթե դու լավ համբերես, Աստված քեզ վեր կբարձրացնի» (ՎեՆԻ 121.7-8):

Դա հայտնություն էր սիրող Հորից հավատարիմ որդուն, որը մեծ վշտի մեջ էր: Աստծո յուրաքանչյուր զավակ կարող է հաղորդակցվել Նրա հետ աղոթքի միջոցով: Աղոթելու ոչ մի հորդոր այնքան մեծ տպավորություն չի թողել ինձ վրա, ինչպես սիրո և թեթևության զգացումները, որոնք գալիս են խոնարհ աղոթքների պատասխանների հետ:

Մենք ստանում ենք վկայություն Աստծո ցանկացած պատվիրանի վերաբերյալ՝ պահելով այդ պատվիրանը (տես Հովհաննես Է.17): Մա ճիշտ է նաև այն պատվիրանի համար, որ մենք պետք է միշտ աղոթենք բարձրաձայն և գաղտնի: Որպես ձեր ուսուցիչ և ձեր ընկեր ես խոստանում եմ, որ Աստված կպատասխանի ձեր աղոթքներին, և որ Մուրբ Հոգու զորությամբ դուք կարող եք իմանալ ձեր մեջ, որ պատասխանները Նրանից են:

ՈՒՍՈՒՑԱՆՈՒՄ ԱՅՍ ՈՒՂԵՐՁԻՑ

- «Նկարները արժեքավոր միջոց են դասի հիմնական միտքը ամրապնդելու համար» (*Ուսուցում՝ չկա ավելի մեծ կոչում*) [1999], 176): Ցուցադրեք Ջոզեֆ Սմիթի կամ Առաջին Տեսիլքի նկարը: Քննարկեք փորձառությունը, որը Ջոզեֆ Սմիթը ունեցել է կապված աղոթքի հետ: Ինչպե՞ս ձեր աղոթքները ավելի իմաստավոր կդառնան, եթե դուք պատկերացնեք «Երկնային Հորը . . . ձեզ մոտ», ինչպես անում է Նախագահ Այրիկզը:
- Ինչպես խորհուրդ է տալիս Նախագահ Այրիկզը, խորհեք աղոթքի մասին ձեր վկայությունը կիսելու շուրջ,

քննարկելով օրհնությունները, որոնք դուք ստացել եք աղոթքի կամ աղոթքի մասին սուրբ գրություններով կիսվելու հետևանքով:

ԵՐԻՏԱՍԱՐԴՆԵՐ

Հավատքի իմ աղոթքը

Փրիսիլա Ֆարիաս Դե Լիմա

Երբ ես 18 տարեկան էի, ես աշխատում էի կահույքի խանութում որպես վաճառող: Իմ աշխատանքային գրաֆիկը շատ ծանրաբեռնված էր: Ես աշխատում էի առավոտյան ժամը 8.00-ից մինչև երեկոյան ժամը 10.00-ը, երկուշաբթիից մինչև շաբաթ: Ես տխուր էի, որովհետև հնարավորություն չունեի մասնակցելու ինստիտուտին և Եկեղեցու միջոցառումներին:

Ես սկսեցի աղոթել Երկնային Հորը մեծ հավատքով, խնդրելով Նրան օգնել ինձ գտնել աշխատանք, որտեղ ես պարտավոր չլինեի աշխատել շաբաթ օրերը, որպեսզի կարողանայի գնալ ինստիտուտ և այլ միջոցառումների:

Մի օր աշխատավայրում ես սպասարկում էի մի մարդու: Մենք սկսեցինք խոսել, և նա ասաց, որ ինքը աշխատում է մի մեծ բանկում: Ես հարցրեցի, թե ինչպես ես կարող էի տեղեկանալ այդ բիզնեսի նոր աշխատատեղերի մասին: Նա տվեց ինձ իր անունը և հեռախոսի համարը և ասաց ինձ, որ ես կարող էի զանգել կադրերի բաժին և ասել, որ ճանաչում եմ իրեն: Ես գնացի բանկ և հանձնեցի անհրաժեշտ քննությունները: Ես անցա և սկսեցի աշխատել օրը վեց ժամ՝ երկուշաբթիից ուրբաթ՝ վաստակելով նախկինից երեք անգամ ավելի:

Ես գիտեմ, որ Տերն առաջնորդում է մեզ, երբ մենք առաջնահերթություն ենք տալիս Իրեն: Նա առաջնորդում է ինձ նույնիսկ մինչև այսօր: Ես գիտեմ, որ աղոթքի սկզբունքը ճշմարիտ է:

© 2012 by Intellectual Reserve, Inc. Բոլոր իրավունքները վերապահված են: Տպագրված է ԱՄՆ-ում: Անգլերենի հաստատումը. 6/11: Թարգմանության հաստատումը. 6/11: *First Presidency Message, February 2012*-ի թարգմանությունը: Armenian: 10362 201



Հավատք, Ընտանիք. Սփոփանք

Օջախի պահապանները

Ուսումնասիրե՛ք այս նյութը և, ինչպես հարմար է, քննարկե՛ք այն քույրերի հետ, ում այցելում եք: Օգտագործե՛ք հարցերը, որոնք կօգնեն ձեզ ամրացնել ձեր քույրերին և դարձնել Միությունը ձեր իսկ կյանքի ակտիվ մասը:

«**Դ**ուք օջախի պահապաններն եք», - ասել է Նախագահ Գորդոն Բ. Հինքլին (1910–2008), ներկայացնելով «Ընտանիք՝ հայտարարություն աշխարհին» ուղերձը 1995թ. Սփոփող Միության գերագույն ժողովին: «Դուք եք երեխաներին լույս աշխարհ բերողները: Դուք նրանք եք, ով խնամում են նրանց և հիմնում նրանց մեջ կյանքի սովորությունները: Ոչ մի ուրիշ աշխատանք այդքան մոտ չէ աստվածայնությանը, որքան Աստծո որդիներին ու դուստրերին խնամելը»¹:

Այժմ մոտ 17 տարի է, ինչ այս հայտարարությունը ակնառու է դարձնում, որ մեր ամենակարևոր պարտականությունները կենտրոնացված են ընտանիքները և տները ամրացնելու շուրջ՝ անկախ մեր ներկա պայմաններից: Բարբարա Թոմսոնը՝ այժմ Սփոփող Միության գերագույն նախագահության երկրորդ խորհրդակալը, Սուլթ Լեյքի Թաբերնաքում էր, երբ Նախագահ Հինքլին առաջին անգամ կարդաց հայտարարությունը: «Դա մեծ իրադարձություն էր», - հիշում է նա: «Ես զգացի այդ ուղերձի կարևորությունը: Ես նաև մտածեցի. «Մա հիանալի ուղեցույց է ծնողների համար: Մա նաև մեծ պատասխանատվություն է ծնողների համար»: Ես մի պահ մտածեցի, որ այն իրականում

ինձ չի վերաբերում, քանի, որ ես ամուսնացած չէի և երեխաներ չունեի: Սակայն հաջորդ պահին մտածեցի. «Բայց դա վերաբերում է ինձ: Ես ընտանիքի անդամ եմ: Ես դուստր եմ, քույր եմ, մորաքույր եմ, զարմուհի եմ և թոռնիկ եմ: Ես ունեմ պարտականություններ և օրհնություններ, որովհետև ես ընտանիքի անդամ եմ: Մնգամ եթե ես իմ ընտանիքի միակ կենդանի անդամը լինեի, միևնույն է, Աստծո ընտանիքի անդամ եմ և պարտականություն եմ կրում մյուս ընտանիքներին օգնելու համար»:

Բարեբախտաբար, մենք միայնակ չենք մեր ջանքերում: «Ամենամեծ օգնությունը, - ասում է Քույր Թոմսոնը, - որը մենք կարող ենք ունենալ ընտանիքները ամրացնելու հարցում, դա Քրիստոսի վարդապետություններն իմանալն է և դրանց հետևելը և ապավինելը Նրան մեզ օգնելու համար»²

Մեր պատմությունից

«Երբ Քույր Բաթշեբա Վ. Սմիթը ծառայում էր որպես Սփոփող Միության չորրորդ նախագահ [1901-1910թթ.], նա զգաց ընտանիքները ամրացնելու կարիքը և հիմնեց մայրերի կրթության դասեր Սփոփող Միության քույրերի համար: Դասերը ներառում էին խորհուրդներ ամուսնության, նախածննդյան խնամքի

և երեխային խնամելու վերաբերյալ: Այս դասերը լրացրեցին Նախագահ Ջոզեֆ Ֆ. Սմիթի ուսմունքները, որոնցով Սփոփող Միությունն օգնում էր կանանց կատարել տան հետ կապված իրենց պարտականությունները.

«Երբ անտեղյակություն կամ թեկուզ հասկացողության պակաս կա ընտանիքի և ընտանեկան պարտականությունների վերաբերյալ, որոնք պետք է գոյություն ունենան և օրինակաւորեն գոյություն ունեն ամուսնու և կնոջ, ծնողների և երեխաների միջև, ահա այդ պահին օգնության է գալիս այդ կազմակերպությունը, և բնական օժտումների և ոգեշնչումների միջոցով այն պատարաստված է և պատրաստ է ուսուցում տրամադրել այդ կարևոր պարտականությունների վերաբերյալ»³

ՀՐՈՒՄՆԵՐ

1. Gordon B. Hinckley, “Stand Strong Against the Wiles of the World,” *Ensign*, Nov. 1995, 101.
2. Բարբարա Թոմսոն, «Ես կգորացնեմ քեզ, ես կօգնեմ քեզ», *Լիստինա* և *Ensign*, նոյեմբեր 2007, 117:
3. *Daughters in My Kingdom: The History and Work of Relief Society* (2011), 13.

Սուրբ գրություններից

Առակաց ԻԲ.6, 1 Նեփի 1.1, 2 Նեփի 25.26, Ալվա 56.46–48, Վարդապետություն և Ուխտեր 93.40

Ի՞նչ կարող եմ ես անել:

1. Ինչպե՞ս ես կարող եմ օգնել քույրերին, որոնց համար պատասխանատու եմ, ամրացնել ընտանիքները:

2. Ինչպե՞ս ես կարող եմ առաքինի ազդեցություն ունենալ իմ ընտանիքում:

Լրացուցիչ տեղեկության համար, այցելեք www.reliefsociety.lds.org: